

ZION THUSUAK



REVIVAL CHURCH OF GOD (RCG)

Vol. XXVII

MAY - JULY 2023

No. 139



THUPI:

“Lalpa chun nanguh dingin gal do piak intin, thip hiat hiat um
inlau, atia.”

Pawtdawbu 14:14

Editor: Rev. Dr. Khupkam Vaiphei

ZION THUSUAK

Editor:

Rev. Dr. Khupkam Vaiphei

Associate Editors

1. Rev. Liante
2. Rev. Ngulneipau

Contributing Editors:

1. Mr. Kh. Sang Vaiphei
2. Rev. Kailum

Board Members:

1. Upa Mangkam
2. Pro Pastor Lianboi

NOTICE

Zion Thusuak article zosia hi thugin lam thu ah editorial board ten maw pawkna akinei puan, article hun piate mawpuakna ah kawi ahi ziakin dawtnawp a um chun, amau dawtzawk dingin ka hun genchian uh a hi.

By: Editorial board ZT

A SUNGAH THU UM TE

	<u>Page No.</u>
1. Editorial	01
2. Pathian ei lam ah a pan chun kuan ei do thei ding a hem?	02 – 03
3. Beidawng leh lau ah umzing lai ah – Lalpa Thupiak	04 – 07
4. Tualgal kipat ni 3rd-May-2023 kipat 7th-July-2023 chan ah RCG gam sungah thil tuakte chawmkim ah reportna	06 – 13
5. Khuavak di kuan chu ahi ma ma tai	13 – 15
6. Jehoshaphat Pauchapna	15 – 20
7. Pauchapna het dingte	20
8. Kipakthu genna	21
9. Hetsakna	21
10. ZT Patron Member te	22
11. Sunna Thu	23
12. Zion Thusuak Magazine Agent List	24

Editorial...✍



Simtu dawitakte amasan Lalpa Jesu min in la leng un chibai.

I Gam uh Manipur ah tualgal hung umni 3rd-May-2023 kipat tuni tianga hin buaina, leh kana, chuleh Galzam aki um zing lai in tunin buai pum pum in I Zion Thusuak uh May-July 2023 issue suatheï ding ah ei puitu leh eiveng tu Pa Pathian chung in kipak thu igen masau ahi.

Tu le tuhin Releif Camp a um lawi, inn Bahara um lawi, chuleh unau te belthei thei bel ah um lawi aki um gam tan, hi ti zing lai in a diak in eimau Lamka lam ah umte bep hi lamkai ten/Bial Pastor ten vethakna nei thei dan dan in a kinei thei ham ham in, maleh, district dang Kangpokpi, Tenguoupal, leh Saikul lam ah umte leh state pawlam ah umte vang venuam in kantha nuam jiang leu hinle thil hithei ahilo ziak in iki hiathiam diu le ka kinem un ahi.

I umnau mun chiat in Pauchapnan kihe zel hitiu in, I mission uh RCG hi maban ah adin zaw ding le a din zawlo ding mipi khut ah kinga mai ahitak zia kin, umna mun chiat in kihe tua zel hitiu ti in pawlpi sikin mipi te kiangin chialna le ka hun bawl ahi.

Tuhin apawl apawl ah kochuam lamkaiten abuai pi pen uhi amau kochuam member te taksa leh Thagau ah kikhen khak ding pha salo in pan thei dan dan in apang ui ti mu leh het ahi. Ziagual a chun eimau RCG Pastor te leh Upa khen khat in pauchapna taw thua in aki vak vel zing in, zia kawm kal a chun thasia thei ding, lunggel ah damlo thei ding, haksatna nasa tak nei le ki umda lo maithei ahin, zia haw zosia chule kihe suak zo lothei ahi zia kin, lawi upa anailam a umte leh la hetpen pen te kiangin kihetsak ah chanchin kihil tua thei in umthei leu hen ti le dawisakna liantak nei in ZT mangchan chialna ka hun bawl ngal ahi. Lalpa 'n I umna mun chiat un Dam in imau eipui chiat ta hen. Amen.

“Pathian ei lam ah a pan chun kua’n ei do thei ding a hem?”

(Rom. 8:31)

By: Rev. Liante

Pathian ei lam ah a pan thei na ding ah chun Pathian gin leh nei masak a, chun ama dawigual ah um masak a, ahiloleh a thupiak zawp masak a ngai hi. Pathian ei lam ah a pan ahi chun tuni atângpi ah i lauteu haw hi taksalam leh thagaulam ah le bangma lau ding a um lo ahi.

Sam ziktu chun, “Pathian ka ging ah, lau puang ka, mihing in bang a hem ei law thei ding uh?” (Sam 56:11) a tia. Chun, “Ahi, thina lim guam haw maleng, thil phalo him him lau puang ka; nang ka kiang in la um ngal ah; la khetbuk leh la tiang in lei thamuan sek ah” (Sam 23:4) a ti kit a. Chuleh, “Ei do ah, ei ûmkimvel te, mipi sangsawmte haw le lau puang ka” (Sam 3:6) a ti ahi.

Pathian ei lam ah a pan ahi chun van ah le, lei ah le, muthei in le, mutheilo in le, taksa in le, thagau in le, bangma/kuama’n ei do thei lo ding ahi tina ahi. Aziakchu, Thagau Thiangtho eimau ah cheng sang ah hatzaw a um lo ziak in. Apostle Johan chun, “Naute haw, Pathian ah kipat la hui a, zia te chu la zo tau hi; nangmau ah um chu khawvel ah um sang ah chun a hatzaw ngal a” (1 Johan 4:4) a ti ahi. Aumzia chu, Setan ahiloleh thagau phalote sang ah Khristiante ah um Pathian Thagau chu a hatzawi ti a kichian hi.

Zia khawvel hi thim lal tichu Setan lalna leh thuneina gam ahi. Lalpa Jesu gamthip ah ni 40 leh zan 40 anngawl ah a um lai ah khan Setan in, “Khawvel gam zosia leh a lopina chu a etsak a. A kiang in, ka ma hin bawkkhup in chibai bûk in ei ho inla, zia zosia hi pia siksek ing ka” (Mtt. 4:8-9) ti’n a gen a. Himaleh Lalpa Jesu’n thepnate, thina leh

Setan zo ah thina ah kipat a thawkit nung, van ah a kalto di kuan ah khan a nungzuite kiang in, "Lei leh van ah thuneina zosia ka kiang ah piak ahi tai" (Mtt. 28:18) a tia. Chuleh, "Pathian in ama chu sang tak in a chawisang ah, min zosia chung ah min chungnungpen chu a pia ta. Jesu min ah mi zosia a khupdin ua, van chung, lei chung leh lei nuai ah thil um zosia'n Pa Pathian lopina ding ah Jesu Khrista chu Lal ahi, ti a puanna ding un" (Phil. 2:9-10) ti ahi. Ziaziakchun, Pathian ei lam ah a pan ahi chun muthei hin, mutheilo inle, ahiloleh mi phalote hin, thagau gilote'n le ei do thei puan tin. Chun, Nephilim suan miliante hin, van mun ah thagau gilote hi ziang leule ei do thei diak lo ding a hui tina ahi.

Bible ah Israelte kha le Pathian a lam ua a pan ziakin mihat taktak te, amau sang ah tamzaw leh khuapi lian taktak leh kûl ah ki-ûmchak nei ngen ahi vang un kuaman ala do thei puau a. Kanaan gam tiam a luana ding ua khan nam chuam chuam: Amalekte, Hitte, Jebuste, Amorte leh Kanaan mite bakah Nephilim suan, Anak-miliante (giants) hawn le a do thei diak lo uh ahi ti a kichian hi. Bible in a gen hi a dik hi ti i gingchau a, ziaziakchun, "Pathian ei lam ah a pan chun kua'n ei do thei ding a hem?" ti hi kuaman ei do thei lo ding ahi tina ahi. Lalpa'n ei thingtangmi-gingtute a ding in a thu ei malzawl piak ta hen. Amen.

BEIDAWNG LEH LAU AH UMZING LAI AH - LALPA THUPIAK

(Pawtdaw Bu 14: 13-16)

Rev.Dr.Khupkam Vaiphei
Executive Secretary RCG

“Mosi chun mipite kianga chun, Lau ki unla, thip bek in dingun, chun tuni ah a hun musak ding Lalpa hukhinna chu enun, a ziak chu tuni ah lamuu Aigupta mite chu bangma tikin mukit ta lo ding la hiu. Lalpa chun nanguh dingin gal do piak intin, thip hiat hiatin um in lau, atia. Chun, Lalpa chun Mosi kiangan, bang ziaka ka kianga kap la hem? Israel chate chu malam ah chia dingin genin, Ahinla, la mawl chu lam inla, la khut chu tuipi chungu vak zak in, chun tuipi chu vak khen in, tichun Israel chate chu tuipi lai a chun leihul chungu chiatheng ding ahiu.”

Tulai hun ah I din mun u taw kituak in, zia Bible chang hin eimau Galzam te, Volunteerte, Nam sepai te leh mipi te a dingin ei panpi ma ma in ka hiat ziakin gen lat ka nuam in ahi. Thagau lam ah suak leh kawl setan khut ah tangte hung pawtdaw dan te taw tekhin theipen in a um in, maleh tuni hin, taksa ah Galzam, kidopi melma neite I hi tak ziakun, Israel chate Lalpa'n ala puidan hi tuni tiangan danglam ngai lo, kikhel ngailo Pathian Ama ho leh biakte I hi ziakun itha muanna ding un gen ka nuam ahi. Hebrai 13:8. Tu'nle melma lian khat N.Biren sing malatna in Arambai tenggol leh Meeitei leepun ten einawu in ei del un, zamna ding helo in Lamka lam, Kangpokpi lam leh mun dang dang zuan in aki um zinglai in, kuama beidawng leh Lauthawng umlo ding inle, malam ah bang gual in kakihinsuana dia aw tite lunggel nei ziak ah hinkhua beidawng tak leh lauthawng takah umlo ding in iki chial uh ahi. A ziak chu, Lalpa'n ei uh a ding in

Gal ei doupiak ding ahi, Sam ziaktu chun, “*khenkhat in kangtalai te a suangua, khenkhat in sakawlte asuang ua, eihawn vang Lalpa l Pathian min uh suang zawitui, Amau haw vang akhun ua, akilik tau ah, ei haw vang l thou a, l ding chang zaw tau ahi.*” Sam 20: 7-8.

Tu ah I gal uhi Lalpa’n ei dou piak ding ahi ti taksang in pawm phawt hitiu in eipanpi ding tu Lalpa lunglam hawl in akengbul ah dawn leu hin melma te chu zawsa ahimai hi ti mu ahi. Bible ah imu Aigupta sepaite kha tu ah lamu gual in mukit talo ding lahiu ti thuchng kha Lalpa’n alawtin sak ah, ati gual ma in Israel chate khanTuipi san leihul ah akan zawu in Aigupta sepai amau hundeltu te zosia kha zia Tuipi san khan achum mang gam tau ahi, Lalpa lopina chang ta hen.Tunle, mihing lunggel ah hithei dingah kinep umlo Separate Administration/Union Territory tite haw hi center government in eipia ziangthei ahi ti taksan thei ahi, zia hun phat tak chule, ei do eidelte khan bangma eilaw thei ta puan tiu in, amau hi tuipisan in a chup mang bang in hun chum mang intin, ei khawiphak dingua ki um ta lo ding, einaw kit dingunle umthei ta lo ding ahiu.

Israel chate khan Tuipisan amu phat un galkai thei talo ah Aigupta sepai te khut ah thi ngei dingah akigel zinglai un, Mosi le ahung kap dawk ta, phat a khan Lalpa’n Mosi kha hopi in, tuipisan chungah khut zak ah tui khen dingah thupiak anei gual un, eimau haw le Lalpa angin kap dawk leu hin, imalam uh buaina umlo in navakna lam in ei pui thei ngei ding ahi ti taksan na nei takzet angai ahi. Unaute lungkham leh beidawng tak in um puai tiu in Lalpa kiang in ki ngai tiu in, pauchap zing kawm in Lalpa thupiak umte zui thei chiat ding in Lalpa’n a thu igen teu hi hun malsawm ta hen. Amen.

Tepte thei ding: Israel te hun lai in, Lalpa thupiak leh lunglam ngaisak lo ah akiheiman san phat tak ua le, ahung kihiat daw thak kit

theina ding un Pathian in a chang chang le amau do ding melma asiampiak sek in ti chun Philistin te, Amalek mite, Ammon mite, Amor mite - tichun, cheptanlo nam te khut in athawk sak sek in, ahung kisik ua ahung pauchap phat ua le, amau lam hun nga sek in amel mateu gal ado piak sek in zawna a chan sak sek hi ti Bible ah mun tam tak in akimun ahi. zia gual a chun, tuchungah eimau lak ah gal hile, Lalpa'n Biren mangcha in kidouna ahung piang in, khua Hausa bangzat hem Lalpa lungtuak lo ah umten kimudaw nan ahun nei thei na dingun, chuleh mivantang tampi in danlo gual ah nei leh gou ala khawl khawm teu aman sakteu apat ahung kimu daw thei na ding un ziagual buaina hi tung ahi ti hedawk thei leu hin chu pha ma ma ding ahi, ahinla, tutianga Pathian thilguan ahiti hethiamlo ah Pathian lam ah lung hei ah kisik Pauchapsang in akhok zawn sum kawlvei guale umlo chu ahi puai. Thangzing tang area umte thugen khat mite holimna ka hiat chu, tuhin Commando te la hung lut talo ding, Biren la hung ngam ta lo ding, tu pet ahin Kani lei bawl ah sum tampi hawl ding ahi ti lawi le a um ui ti het ahi. ziagual lunggel chu ilak un a um naklai chun, gal hi I zouna diau em ti gel kham ahi. Separate Administration chu thilphalo bawl na ding zawk hilo ah thilpha Pathian lunglam leh agam letna ding thu a umlo chun, Juda mi Akan gitlo zia ah Israel chaten Aikhua kha ala lel gual un Johua 7: 1-2. Tu hinle eimau suk khial zia a guallelna le hung umthei nalai ahi zia kin, pauchap thak hitiu in Lalpa kiangin thupha chawi hitiu in, malam kinepna neizing kawm ah hangsan tak in um hi tiu in hi leu hin Lalpa'n Joshua kiangin ala gen gual ma in melma te ikhut un ei pia thei ngei ding ahi ti ginglel puai tiu unau te haw. Tu ah ituak uh gal hi agamnei meitei ten eibawl khum zia kun, chengkhawm, giakkhawm thei talo ding ihi tak ding zia kun, amau eibawl na zia kin tu hin separate administration/achuam ah kivaipuakna hi I mu zaw thei na diu in Pathian kiang in I umna munchiat un dawn zing hitiu, imuvakna diu inle dawn hitiu, center government in ei ngaisak vak lou kha le, ibuainau hi tu ah buaina sang in hung sang zawn tin, atawp le pankhawm haksa satna le hung piang nalai maithei ahi.

Dettak in KNO/UPF apan khawm zingua kilung tuak tak in tup leh dawi akibat zingthei ah, kikhenna umlo in pan ahun lakkhawm zing thei na diu in chawl lou in Pathian kiangin dawn zing hitiu.

Kipumkhat na hi hatna ahi ti he zing maleu hinle, setan in hetlo kal in kipum khatna apat kikhenna ding lampi hun bawl in kikhenna hung umthut ziangthei ahi ti le hiai tiu in, Politics leaders, CSO, Philanthropic Organization chuam chuam ten leh Nampi vaihawm tute thupiak leh thulemsak te za ah zui pi thei ding in dawt zing angai ma ma hi ti hemil lo in pauchap zel hitiu unaute. Israel mite khan lungthim kipumkhat tak in Pathian ahun kou phat uale Lalpa'n ahun dawn hu in amelmateu kha akhut un apia dawk sek ahi ti akimu gual in kilungtuak ah kisik ah Lalpa kianga kun ah pauchap hi Lalpa dawilam leh lung lam ma ma chu ahi. Kituak ah pankhawm theina nei ah zawna lopi tak changthei dingin Lalpa'n athu igen teu hi hun malsawm ta hen. Amen.

Tualgal kipat ni 3rd-May-2023 kipat 7th-July-2023 chan ah RCG gam sungah thil tuakte chawmkim ah reportna.

Rev.Dr.Khupkam Vaiphei

All Tribal Student Union Manipur (ATSUM) te malatna in tarik 3rd-May-2023 ni ah Tribal Solidarity march ala kipan in, nitaklam 3:00pm apat in meetei ten Anglo Kuki War gate Leisang ah umpen hun hal pan in, aban in Torbung leh Kangvai lam ah Meeitei ten eimi te inn hun hal pan in Gal chu hetmanlo ah kipan chu ahi ngal ta ahi. Hiti chun Manipur gam pumpi ah ei thingtang mi Kuki-Zo suante zosia chungin Meitei ten inn ahun hal zawm tau in, zia lak a chun ei RCG khua leh kochuam umna hung kisukha zat, kihal zat, kihal lou ah

galzam zat ti te ka hiat thei tiangin 20th-June-2023 ni tianga record ka bawl dungjui in anuai ah gual ahin detail deu in ka hun taklang ahi. chun, zia ah hung ki taklang inn 130 te hi insuan ah Rs,1000/- chiat mission in avena ti deu in 28th-June-2023 nikhan RCG Biakin Hilltown ah Vice-Moderator Upa Jangthang malatna in hawp daw ala hi ahi. Ahinla, Kipak um tak in mi 130 te lak in mi 14 in Rs,1000/- chu lalo in mission ah donate ahun bawl daw un, zia ah donate hun bawl te min ka hun taklang nuam hi, amau sia hi receipt le piak zaw ahitau hi. 1. Upa Amang- Mualkonbung, 2. Pa Paulian- Mualkon, 3. Pa Soithianlal-Mualkon, 4. Pa Alum-Langgol, 5. Pa Liankham-Gawtangkot, 6. Pa Khupthian-Gawtangkot, 7. Rev.Liante-Kangvai, 8. Pa Kama-Kangvai, 9. Pa Thanga-Vanghoiphai, 10. Pa Thangminjohn-T.Munjang, 11. Upa Kaihen-T.Munjang, 12. Upa Lamshila-Bewlahland, 13. Pa Sasang-P.Gamhawi, 14. Pa Ts,Boipu-Mantripukhri. Amau haw sia ahiu in amau haw chungin RCG Pawlpi min a chung un kipak thi igen uh ahi. Lalpa'n ale tamtak in hun malsawm tau hen. Amen. RCG Damsawt hen. Aban a hin details report ka hun taklang hi..

REVIVAL CHURCH OF GOD (RCG)

20th June 2023 tiang ah Tual Gal ziak ah Inn Kang leh Kanglo Gal zam cheng, Lamka leh mundang ah um te kigawm in a leng ah anuai ah gual hi ahi.

INN KANG TE					
Sl. No.	Khaw Min	S.N	Insuan ah Papi/Nupi Min	Insung mi zat	Tu leh tu umna
1	S Kanan	1	Pa Letthianmang	6	Delhi
2		2	SL Minlun	4	New Lamka TPCS
3		3	Upa Nekkam (p)	6	Lanva TD Block
4		4	Pa Mosi	3	Lanva TD Block
5		5	Upa Liankhai	8	Don Bosco + Delhi
6		6	Upa S Haupu	3	LM Academy

7		7	Pa Thianlam	6	TD Block + Bongmol
8		8	Pa Lamthang	5	Don Bosco + Bongmol
9		9	Pa Thiangpui	3	LM Academy
10		10	Pa Lalthanglian	4	Kangpokpi
11		11	Nu Tingkim	4	Rent House
12		12	Nu Muannei	4	Don Bosco
13		13	Nu T Hoiling	5	Lairamphungka
14	Gawtangkawt	1	Pa Mangcha (p)	8	Owned House, Lamka
15		2	Upa S Haulal	7	Keifang, Mizoram
16		3	Upa Lalboi	7	Churachandpur College
17		4	Pa Mangthian	4	Churachandpur College
18		5	Pa Jona	5	Litan - Mongkot
19		6	Pa Khupkhai	2	Rent House
20		7	Upa Soineipau	4	Litan - Mongkot
21		8	Pa Liankam	10	Chandel
22		9	Pa Manglun	5	Litan - Mongkot
23		10	Pa Goupi	6	Churachandpur College
24		11	Pa Neklawm	4	Churachandpur College
25		12	Pa Khupthian	8	Churachandpur College
26		13	Upa Soikam	8	Churachandpur College
27		14	Pa Liankham	6	Keifang, Mizoram
28		15	Pa Athang	13	Litan, Ukhrlul
29		16	Nk. Tingpi	1	Litan, Ukhrlul
30		17	Nu Hacha	1	Churachandpur College
31		18	Pa Alum	4	Aizawl
32		19	Pa Bawipu	6	Changoubung
33	Mualkonbung	1	Upa Tinthang	9	Keifang, Mizoram
34		2	Upa Amang (s)	6	Churachandpur College
35		3	Pa Paukhup	6	Churachandpur College
36		4	Nu Tingkim	5	Keifang, Mizoram
37		5	Pa Pautinlian	6	Churachandpur College
38		6	Pa Lutneikhup (s)	5	Keifang, Mizoram

39		7	Pa Asiam (s)	6	Litan, Ukhrul
40		8	Pa Tonglian	3	Mata
41		9	Pa Kamlemsiam	5	Churachandpur College
42		10	Pa Soiginthang	3	Keifang, Mizoram
43		11	Pa Manggoulian	5	Keifang, Mizoram
44		12	Pa Haukeng	3	Churachandpur College
45		13	Pa Soithianlal	7	Churachandpur College
46		14	Nu Ngaiting	9	Rostard 4 + Ahthibung
47		15	Pa Soitinlian	7	Keifang, Mizoram
48		16	Pa Khama	5	Litan, Ukhrul
49		17	Pa Soilian	3	Churachandpur College
50		18	Pa Ginminthang	3	Churachandpur College
51		19	Nk. Nemkhawl	2	Mata
52		20	Pa Nekminlal	9	Dawn School + Rent
53		21	Pa Pauginlun (s)	7	Churachandpur College
54		22	Pa Khaigoulam	7	CCP College + Kpi
55		23	Pa Paulal (s)	8	Churachandpur College
56		24	Nu Titing	6	Keifang, Mizoram
57		25	Nu Vungnu	2	Rostard
58	Jordanphai	1	Upa Nekpu (p)	11	Dimapur
59		2	Pa Dampu	4	Dimapur
60		3	Pa Sanglian (s)	4	Dimapur
61		4	Pa Kaplun	4	Dimapur
62	Kangvai	1	Pa Siaktinlian	11	K Phaicham
63		2	Pa Lalven	5	Rent House
64		3	Pa Pausawmlian	5	Hmar Veng
65		4	Nu Tinneithiam	2	K Phaicham
66	Nakhujang	1	Pa Khupthang (p)	13	Delhi
67		2	Pa Paunei (s)	8	Rent House
68		3	Pa Soikholal	3	Sapermena
69		4	Upa Khailiankham	5	Dorcas Veng
70		5	Pa Neklianmang	6	Don Bosco

71	Langgol	1	Pa Lutmang	7	Delhi
72		2	Upa Lalkhup (s)	7	Delhi
73		3	Pa Henboi (s)	7	Delhi
74	Bewlahlane	1	Upa Lamshila	5	Kangpokpi
75		2	Upa Thianlal	10	Kangpokpi
76		3	Pa Tinthang	5	Kangpokpi
77		4	Pa Letcha	5	Kangpokpi
78		5	Pa Konpau	5	Kangpokpi
79		6	Pa Lamneihau	3	Kangpokpi
80		7	Pa Thuama	5	Kangpokpi
81		8	Pa Siasiam	5	Kangpokpi
82		9	Pa Goucha	6	Kangpokpi
83		10	Pa Ngullam (s)	5	Kangpokpi
84		11	Pa Hauliansang	3	Kangpokpi
85		12	Pa Lialian	3	Kangpokpi
86		13	Pa Ginpu	4	Kangpokpi
87		14	Rev. Kamboi	3	Kangpokpi
TOTAL				476	

Biakin ki hal tha zat:	
1	S Kanan RCG
2	Beulahlane RCG
3	Mualkonbung RCG
4	Gawtangkawt RCG

INN KANGLO AH HUNG ZAMDOK TE					
Sl. No.	Khaw Min	S.N	Insuan ah Papi/Nupi Min	Insung mi zat	Tu leh tu umna
1	Imphal	1	Upa Songlianhang (p)	8	Agaspani, Nagaland
2		2	Upa Tongjang	2	Kangpokpi

3		3	Pa Haukeng	3	Kohima
4		4	Pa Thangkhochoon (s)	5	Kangpokpi
5		5	Pa Tongkam	3	Dimapur
6	P Gamhawi	1	Pro Pastor Lianboi	4	TD Block
7		2	Pa Sasang (s)	5	TD Block
8		3	Upa Minlian (p)	4	TD Block
9		4	Pa Sawsawn	6	TD Block
10		5	Pa Veven (s)	3	TD Block
11		6	Nu Bawinu	5	TD Block
12	Leimakhong	1	Pa Pauzagin (s)	5	Leilon
13		2	Pa Liantinthang (s)	5	Shillong
14	T. Munjang	1	Pa Thangminjohn	9	Rent
15		2	Pa Sontinthang	8	Rent
16		3	Pa Khailianthang	5	Rent
17		4	Pa Lianboi	5	Rent
18		5	Upa Kaihen (p)	7	Rent
19		6	Pa Lallianmang	7	Rent
20		7	Pa Lamthiangin	10	Ccpur college
21		8	Nu Lamneiting	1	Rent
22	Kangvai	1	Pa Jamkhogin	4	Rent
23		2	Pa Khammuanlal	7	Dorcas Veng+HQ Veng
24		3	Pa Pautinlun	6	Hmar Veng
25		4	Tv. Mina	1	Kangvai
26		5	Nu Tingboi	4	Kangvai
27		6	Pa Kamminlun (s)	5	Rent
28		7	Pa Soiminlian (s)	4	Rent
29		8	Pa Nengkholel (p)	3	Rent
30		9	Upa Th. Lalcha	9	Hmar Veng+Kangvai
31		10	Upa Lalthamuan	6	Rent
32		11	Pa Khailianmang	1	Kangvai
33		12	Pa Kama	4	Rent
34		13	Pa Tinlam	1	Rent
35		14	Pa Kaigoulal (s)	13	Tuibuong Relief camp+Chennai

36		15	Rev. Kailum	6	Rent
37		16	Rev. Liante	5	Rent
38		17	Pa Lianlalmuan	5	Dorcas Veng
39		18	Upa Kailiando	9	Rent
40		19	Pa Mangthianlal	11	Rent
41		20	Pa Kapminlun	12	Rent+Kangvai
42		21	Pa Lalmangai	5	Kangvai
43	Vanghoiphai	1	Pa Thanga	9	Rent
TOTAL				240	

Abbreviation:

(s) = Service

(p) = Pension

Submitted By: Rev. Dr. Khupkam Vaiphei

Executive Secretary

Revival Church of God (RCG)

KHAWVAK DI KUAN CHU AHI MA MA TAI

Upa Lalboi, Gawtangkot

“Zan hi abei vang ta’n khua hung vak di ei tai, zia ziakchun, khawthim ah thilhite chu paithan vak thuam in kithuam hitiu”. Romte 13:12

Ichennau khawvel hi aki ningtel a akichawk lum let a asunga cheng mihingte hi ei nawk vellumlet a, buaina chuam2 lungkhamna chuam2 tuak in beidawng tak in ium tau in, ium naukhawvel ahin bitna imu tapuau ah, himaleh asunga cheng mihing te hi muanna nei Lou,muanna nei gual in kithada tak in ikhawsau ahi, tulai tak igam din mun leh ithil tuak teu chungahin le hiat thei tak leh muchian thei tak aum ah, maleh muanna neilou muanna nei gual in ium in ahi.

Tulai mihingte hinkhua hile lungput diklou leh kingakna diklou nei in chapounan idim ui, jia kingakna diklo ineina lungput uh hi KHAWWAK

Kuan ahina kilat na chu ahi, ichennau khawvel sethei di leh mangthai dinga ngaitua na neilo ibang uh ahi, tulai khawvel ah thil tung te hi ihiatlo uh aum pua, Pathian in warning Bell ei khet khum zinga himaleh imuang ma2 Jiang uh ahi, khawvel leh anawpnate hi amangthai jinga, himaleh, Pathian lunglam hite vang chu kumtuang in hing ina. 1. Jn 2:17

Khawvel hi nisin in manthaina lam zuan in aki tawl jinga khawvel maban ding ngaitua mipil mithiamte abei dawng zo tau, himaleh gingtute vangphatna chu khawvel in manthaina lam ama naw hat pou leh, kumtuang gam anai hi ti ei musak jaw ahi, ium nau khawvel asethei Lou gual leh adang lam thei Lou gual in muang chang Jiang Lou ding in um mai2 puai tiu.

Ikiang ua hung tung jing massage chu kisik un, vangam anai tai tihi ahi, imanthai Lou na ding un lalpan ikiang un thupawtu ahun sawl jinga, Pathian thu hung ikiang ua hung tung te ngaisak lawi um ma2 leu hin le mitamjaw ten ingaisak lo uh ahi, het chu ihiau in himaleh ingaisak Lou jia in tampi imangthai tau ah, tamtak hung mangthai nalai ding ahui.

Kithadana--mitamtak chu thutak ikiangun bangjat vei ahem hung in hezing maleu hin ikithada jia un ingaisak jou ta puau hi, iki thada sanna jia un igin chak Lou gual un achung un atung ahi, jia jiajakhun, thilpha hi chimchak puai tiu, iki thada lo ua chun ahun tak ah at ngeiding ihui, Gal 6.9 thilpha pakhat mai vak bol ah dam jiangna mun ah le thilpha bawl nuam Lou, kithada tak ah ium jia un buai Lou na dinga ki buai gam ta jia jia ahi ahun taka ga mu Mai ding le muthei Lou in ium jou tau ahi, ahun tak ah ga muna ding leh ahun takah suachakna imu na ding un kithada hinkhua hi inutsia uh apoimo ahi, Pathian thu ngaisak Lou ah ikitha da jia kin inkuan tamtak apukse ta, kouchuam tamtak angui jou ta ahi, ikhawtang leh igam sungun siatna nasatak atung jing ahi, khua hung vak pai di ahi tai ti

hiatna bailam tak chu kithadana hi ahi, KHAWVAK Kuan ah ding ihiu ti ki hiai tiu in, kingak na diklou, thutak ngaisaklou na leh kithadana eimau ah um te hi nusia hitiu in, khua hung vak di ngak in kiging jousa diam in um tai tiu, Ziajiak achun kiging zingin um un la lalpau chu bangtik ah hung ding ahi la he po ngal un Matt 24.42 ki ging jing ding in leh ilalpau jesu christa hung na ding ngak te ihi nau kisu fel in um hitiu, lalpan athu sim jousia malsawm ta hen.

JEHOSHAPHAT PAUCHAPNA

(II KHANGTHU BUNG 20)

By Mr. Kh Sang Vaiphei

Judah Lengte laka a palina (4th).

Ahun: Kum 25 sung vaihawm (873-849 BC)

Leng Ahab – Israel Leng athi zaw in Jehoshaphat – Judah leng chun a gam awp sung (Judah gam) sukthakna a nei in, amite chu Lalpa launa lampi'n a puilut kit hi. Zia haw zosia a suktup zaw a chun, thil tung thak khat a hung um hi. Gamdang mi party thum zen in Judah/Jehoshaphat Lenggam chu bulu ding in a hung kisa tau.

Moab leh Ammon, Jordan Lui sualama umte/chengte khu Lot suante a hiu. Ammonmite tilo midang khenkhat, Jehoshaphat Leng ahina apat a kiakthak theina ding ah thangtawm taka panla zingte tawh a hung kizop un; Judah gam chu bulu ding in a kisa tau a hi.

Tuipi Thi (Dead Sea/Salt Sea) simtawp (south end) lam leh Engedi kitina mun tuama chun a hung kikul tau ah. Zia thu chu

Lengpa Jehoshaphat chun a hiat phat in a lau ma ma ta a hi. Chun, Lengpa chun LALPA chu a hawl ta'n a gam sung zosia'n anngawl thu a puang tai. Ziagual dinmun chu a hi zing lai in, Lengpa Jehoshaphat chu Juda mipi kikhomte laka chun a hung ding dawk a LALPA kiang in a pauchap ta a hi. Zia a pauchapna hin thil paguk (6) a huap hi. i) Pathian Hatchungnung leh bangkim chung ah vaihawmtu a hi dan a sulang hi (chang. 6), ii) Pathian Thutiam (covenant) (chang. 7), iii) Pathian umpina (chang. 8, 9), iv) Pathian phatzia (chang. 10), v) Pathian thil zosia neitu (chang. 11), vi) chuleh, Ama (Pathian) ah a kingak dan uh (chang. 12). Zia haw zosia hi gawm khom in Jehoshaphat pauchapna banggual a hi em? Eima mimal a ding ah bang a phatchuamna a um diam? Ei unle I zuithei khat uh a hi dia aw? Ti lungthim ah nei zing kawm in, zia thu hi vak gel khawm tiam hi tiu.

Jehoshaphat a pauchap lai in, ei uh a dinga thil phachuam ding leh zuitak ma ma thil pathum eihiat sak hi.

I. Pathian mi-hina (who God is) a puang lang hi – chang 6 Tuhun (a hun tak ah) - chu hilo la hi em?

Zia taka hin Jehoshaphat in Pathian chu bangkim chung a vaihawmtu, Hatchungnung Pathian a hi zia a sulang hi.

Hilo la hi em? ti hin, tuhun ah thil tung/present tense a etsak hi. Pathian in a hun taka thil a bawl thei hi tina a hi. Ama tilo Pathian dang him him a um puai. Deut. 4: 39; Sam. 22: 28 en in.

Jehoshaphat a pauchapna chu hiti hin a pauchap hi, "keima Pathian bep la hi pua'n, ka melmate Pathian le la hi, a ziak chu nang Lenggam zosia leh namzosia chung ah vaihawmtu la hi ziak in". Zia a pauchapna hin Pathian a hun hun ah thilbawl thei ahidan a sulang hi.

Jehoshaphat hi Pathian nei mi ahi ziak in a beidong ni'n Pathian ko dan a la hia a hi. Ziagualma chun, ei unle I haksat niu ah

Lalpa kona chang hiat ding hi poimaw ma ma ahi. Ginglello ah Pathian I ko chun Ama'n ei dawnhu ngei ding ahi. Ama chun poimaw a sak leh a hun hun in a dawnhu sek hi.

II. Masang ah Pathian in thil ala hite kha a genlang hi – chang 7 - 11

Hun Chiasa/a chiasa - kha.... hilo la hi em?

Zia a pauchapna hin, Pathian in, masang lai ah Kanaan gam ah chengte nawdok in apu apateu gam ding ah ala piak dante kha a genlang hi. Bang ziaka a gen a hi dia aw? I ti a hi chun/a thil tup tak chu, zia hi a hi, "zia guala Pathian hat kapu kapateu ala panpi sektu kha hilo la hi em? Tu hin ka melma teu bulu ding dinmun in ka um tau hila; tu hinle ei hung panpi in, ka melmateu khut apat hin ei hukdawk in". Jehoshaphat in, nidanglai apat Pathian in a chung ua thil a la bawldante kha a la tepte zing in, a hemil puai.

Tu leh tu ah la thiltuakte zia in Pathian kiang in la phunnoi nuam maithei, ahinla, zia hi ngaitua in, "Pathian in la chung ah thilpha a la bawlte kha a ban in siam tiam in" chutileh Ama chung ah phun thei ding hilo la hi dan hedok thei ding la hi. Zia sang ah chun nangma chung ah Pathian in thil a la bawlte kha geldok inla, la chung ah thilpha a la bawlte zia in kipâk thu gen in. Chuleh, panpi ding in don in.

III. Pathian thil bawlthei dan a gendawk hi (tu nung ah thil hung tung dite toh kisai ah) – chang 12

Maban ah/Tunung ah – lo di la hia hem? ei hun limsak lodi la hia hem?

Lauthong leh lunglawng tak dinmun ah a um lai un Lengpa Jehoshaphat in Pathian kiang ah panpina a dawn hi. a melmateu ma ang ah simkhamlo leh bangmalo mai, hatna neilo gual a hi zia un. "bang law ding a hi le helo ah um ziang ka hi tau, himaleh, ka mit uh hi nangma chung bep in ka hun kawi tau hi."

A chang leh ka maban di bang gual in ka chia dia aw/bang guala pan la di ka dia aw/Pathian in bang gual ah ei pui dia aw ti in I lungkham sek hi, zia hun tak chuleh zia hi a hi I pauchapna ding chuh, “ka mit uh nang ma chung bep in” – zia hi kinepna a hi.

Masang ah eila puipa kha tu leh tu ah eipuipa le a hizing in, maban a le eipuitu hizing ding ahi ti hi hetmillo a tukdet zing ding ahi. I makhua ding tiang unle Ama ah kingak zing a poimaw hi. Gal hihen lang, mimal thu hihen lang, banggual haksatna hiziang maleh Pathian ah kingak zing ding chu I mawpuak uh ahi. Jehoshaphat pauchapna, “ka mit uh nang ma chung bep in” ati hi ei uh lungput leh pauchapna a hi ding doium ma ma khat ahi. Pathian chung bep ah a kingak dan uh a latsak in nang leh kei a ding inle etton tak leh zuitak zillai phatak ahi.

Bang gual lungkhamna beidonna tuak maleu hen “I thil tuak zosiau chung ah Pathian in I lunggel dan uh a hesuak hi” ti’n Max Lucado in a la gen hi.

A GEN LAT NAWPTE/ZILTHEI DINGTE

Pathian in Jehoshaphat pauchapna chu Jahaziel apat a dawnhu ngei hi ti chang 22, 23 in I muthei hi. zia chu banggual in a um em iti leh, a melmateu chu amau vakuan a kidopi leh kikat tua pilo in amau leh amau a ki that gam ziang ui (gen val deu di hivang leh “a khutmong/muk chau le tawilo” ti thei a hi).

Jehoshaphat pauchapna kipat I ziltheiteu chu a hile.....

- 1) Pathian ah ginna liantak a nei hi.
- 2) Jehoshaphat in masang ah apu apateu Pathian in ala puidan leh ala panpi dante kha a hetdaw gualin ei unle Pathian zia chan eipui tungtu masang ah I buai nateu ei zawpi thei a hi dan gel daw zing a poimaw hi.

- 3) Lengpa Jehoshaphat in Lalpa Pathian a hun taka panpi theitu leh amite nusia ngailo a hi dan a puanlat gualin, buainate ahiloleh lungkhamnate I tuak tak leh Lalpa chu I kiang ah umzing, panpi vak ziang thei a hi ti geldaw zing a ngai hi. Ama (Pathian) chu I Pathian uh a hia Ama chu hun tin ah ei umpi zing ei gamlat ngailo Pathian a hi. Ama chu I Pathian uh a hi.
- 4) Pathian chu I Pathian uh hizing ziang ding a hi. Masang ah eila panpitu, tu leh tu ah I kiang ua umzing – kumtuang tiang ah umzing ding a hi ngala.

Pathian ah pauchapna hi thil bawlthei tak a hi. Pathian thugentute'n ala gen sek gual un pauchapna hi matchak phatak, meichang sanga le thilbawlthei zaw ahi ala ti sek gual un, pauchapna hi ei vachia phaklona ale I zawlo dite le ei zawsak sek hi. I gamsung ah thilbawl thei leh I lau ma mau meithal leh mi thatthei zat chuam chuamte sanga le hatzaw chu pauchapna hi a hi. La pauchapna chu LALPA Pathian lunglam a hi nak leh la pauchap na zal in, khoitak mun ah um le chun le zia kipat chun mi la zo thei hi.

Bangziaka Lalpa'n Jehoshaphat pauchapna kha a hun hun ah dawnhu ngal ahi diam? Dawnhu tak ah aum ziak ahi.

Pathian in Judate kiang in ziagual hin ala gen hi. Jeremiah 29:11 na (English Bible NCV en in/New Century Version), "Nanguh a ding ah bang gual plan (guanggalna) siam ka hi em? Ka ki het ngala (I know), nanguh hun suse thei ding guanggalna, hilo in plan phatak mai ka nei ei vei (I have); kinepna leh makhua (future) hoitak mai hun peding ka hi (I will)." Pathian bangkim hechiantu chun ei hechian ngei hi, I masang di na tiang le a he ei vei.....

Bang ti di I hiu em? – banggual a hem nang pauchap dan? Pathian ah la ginna ngaitua thak in.

Simtu zosia Pathian in Ama ah ginna detzaw neithei ding in ei majawl chiat ta hen – amen.

PAUCHAPNA HET DINGTE

1. Tualgal ziaak ah hung zam ah Relief center ah umte zosia a dingah taksa damtheina anei chiat thei na diu in dawn hitiu.
2. Tu leh tu ah kikaptuana um ngun na deu gamgi mun zosia ah Pathian venna leh humbitna changa melma te nangzo thei dingin pauchap hitiu.
3. Ei Kuki-Zo suanten Separate Administration/a chuam ah kivaipuakna ihun mu vak thei na diu in dawn hitiu.
4. RCG Pawlpi kivaihawmna a chia zinga, mission dingzel thei dingin dawn hitiu.
5. Zillai ten maban a zil vak thei na diu in dawn hitiu.
6. Igam ua chamna leh muanna atun thei na dingin dawn hitiu.

KIPAK THUGENNA

Zion Thusuak Annual subscription fees **May-July 2023** sungah hun piate a nuai ah gual ahin amin uh ka hun tak lang kit ahi. Kum masa apat khan Issue chengle a tha sunga piate min taklat zel ahia, aban inle Issue chengle a thasung ah fee hun piate a um chun ki hun taklang zel ding ahi. Kakipak hi.

1. Nu Zokim, Hilltown- Rs,500/-

Nu Zokim chungin Zion Thusuak Board member ten kipak thu ka hun gen un ahi.

H E T S A K N A

Mimal kua tawbang Kochuam sungah sawm ah khat piatheilo, chuleh Zion Thusuak lakman hun pia nuam ten anuai ah RCG Bank account number leh Bank min chuleh IFSC number kipia a hin hun thawt thei inlau ti in ka hun hetsak ui. Editor Zion Thusuak Board.

- ❖ Account Name : Revival Church of God
- ❖ Account Number : 11343704608
- ❖ Bank Name : State Bank of India
- ❖ Bank Branch : Churachandpur main branch
- ❖ IFSC : SBIN0006182
- ❖ Branch code : 6182
- ❖ MICR Code : 795002504

ZION THUSUAK PATRON MEMBER TE

- 1) Pu Thangboi, Kamdouveng
- 2) Nu Niangneu, HQ Veng
- 3) Nu Lily, T.Munjang
- 4) Nu Samboi Vanghoiphai
- 5) Pu GL Muana Neitham, Gochinkhup veng
- 6) Upa K.Kama HQ veng

- ❖ Patron members kum 3 (thum) 2020 apat Rs 1,000/- hita ahi.
- ❖ Life member dingin 5000/- ahi. -Editor, Zion Thusuak Board

SUNNA THU

**PU LIANKHOHEN VAIPHEI (106)
1916 – 2023**

Pu Liankhohen of Mualkonbung in a chiata tarik 23rd-June-2023 ni zan 7:30pm vel khan a uma mun Relief Camp center Churachandpur collage in eila beisan na thu ahin Zion Thusuak board member ten le ka hun sunpi tak zet un ahi. vangsia/vangphat umtak in tarik 24th-June-2023 ni in YVA GHQ te pan lakna zal in buaina bangma umlo in Vaiphei Christian cemetery ah vuiliam na nei dingin ama famta Pu Liankhohen hi VPC HQ Hall ah thakdawna program le zinglam 8:00am-9:00am sungin neipi ahi, P/Pastor Lianboi in hun makai in Rev.Liante in thakdawna leh vuiliamna hun amang in thamuang tak in hun te haw chu matzaw ahi tan ahi.Lalpa lopina chang ta hen.



A chanchin chawmkim:

Umtalo Pu Liankhohen Vaiphei hi 1916 kum in Phailengjang vangkhuan famta Pu Thangkhopau leh famta Pi Neipi te laigil ah gochan panga (5) na ahi. Ama hin pianpi pawsal 2 leh numei 3 anei hi. 1948 kum in Assam Regiment in ala lut in, kum 17 tha 4 leh ni 10 sepai na ala sem in, 19th October, 1966 kum in ala pension ta ahi. Chun 1949 kum in famta Pi Niantinchin tawh ala kicheng un, gil ah ga gochan pawsal 4 leh numei 2 ala nei hi.

Achate sia:

1. Pa Haokeng, H/o Thenngaikim
 2. Pa Paokhup H/o Hoinu
 3. Nu Hoitinhath W/o Pa Jotin
 4. Nu Neihoiting W/o Upa Amang
 5. Pa Paoneilal H/o Phaneikim
 6. Pa Paoginlun H/o Dimneithiam
- ❖ *Atute pawsal 7 leh Numei 11 ahiu.*

Collector/Magazine Agent:

- | | |
|---------------------|----------------------|
| 1) Tv. Douminlun | Hilltown |
| 2) Tv. Lalroman | T. Munjang |
| 3) Pa Paelim | Kangvai |
| 4) Upa Tongjang | Imphal |
| 5) Upa Khailiankham | Nakhujiang |
| 6) Upa Manglun | S Elimphai |
| 7) Upa Liankhai | S Kanan |
| 8) Pa Mangminlun | Gawtangkawt |
| 9) Pa Khamneu | Jordanphai |
| 10) Tv. Hauginlian | Bewlahland |
| 11) Upa Mamang | Mualkon |
| 12) Pa Ts Boipu | Mantripukhri |
| 13) Pa Lenghau | Phaltual Vanghoiphai |
| 14) Pro Pastor | Lianboi P. Gamhawi |
| 15) Upa Lalla | L. Vaiphei Veng |



Date 28/06/2023 (Wednesday) ni in Upa Jangthang, Vice Moderator RCG malat na in RCG Biakin Hilltown ah Galzam Innsuan 130 te kiang ah Mission ten vethakna sum Rs. 1000/- chiat piak na hun limlak khen khat te.



BOOK POST

RNI Read. No. 34293/80

To,

.....

.....

Stamp

If undelivered please return to:

The Editor
ZION THUSUAK
RCG Head Office
Thangzam Road, Hilltown, Churachandpur, Manipur
PIN – 795128, P.O. Box No. 91
Email: rcgmission@gmail.com
Website: revivalchurchofgod.org
Contact: +91 9612652209 (Exe. Secy.)